



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma :

Tir Yimym

tiryimym@aolima

tir yimym

TAPAK 8

**Chandrababu Naidu-i AP CM
tenangzükba agiogo**

**Jose Francisco Mohun Bagan
Super Giant Coach kümogo**

VOL. XXI ISSUE NO. 241 (ADOK 241) DIMAPUR

YANGTEPNÜ (THURSDAY)

AAMI (JUNE) 13, 2024

₹ 5.00

Centre-i Tax Devolution Rs 1.39 Lakh crore agütsüogo Nagaland nem Rs 795.20 crore agütsü

New Delhi, June 11, 2024 (Agencies): BJP-i aniba NDA sorkari state balala nem Devolution of Taxes indang additional instalment Rs 1,39,750 crore agütsüogo.

Iba sen ya state sorkaritemi terenlok mapa nung aser capital spending atema amshitsü.

Interim Budget 2024-25 nung state balala nem devolution of taxes atema Rs 12,19,783 crore lemozüka lir.

Tang agütsüba ya züngsema FY 2024-25 atema Centre-i June 10 tashi nung Rs 2,79,500 crore agütsüogo.

Tan additional instalment agütsüba nung Uttar Pradesh-i sen teimtiba angu. Parnok nem Rs 25,069.88 crore, iba sülen Bihar nem Rs 14,056.12 crore, Madhya Pradesh nem Rs

10,970.44 crore aser West Bengal nem Rs 10,513.46 crore agütsüogo.

Centre-i taküm February ita state tem nem Rs 1.42 lakh crore tashi tax devolution agüja liasü. Kasa ita Centre-isa Rs 72,961 crore agütsür liasü.

"Tang agütsüba züngsema February 2024 nungi state tem nem tax devolution indang instalments asem agütsüogo" ta Ministry-i ashi.

North-East region renloksü atema Ministry-i Assam nem Rs 4,371.38 crore, Meghalaya nem Rs 1,071.90 crore, Manipur nem Rs 1,000.60 crore, Sikkim nem Rs 551 crore, Mizoram nem Rs 698.78 crore, Nagaland nem Rs 795.20 crore aser Tripura nem Rs 989.44 crore tax devolution agütsüogo.

NEET 2024 anema PIL aika benoker

New Delhi, June 12, 2024 (Agencies): Supreme Court-i Mongulbarnü medical entrance exam NEET tasen agishitsü atema PIL ka angadango.

Külen, okadak aika nung NEET tatidang indang 'paper leak' asüba ken o aika benoka lir.

NEET anema ken o benokertem rongnung kaketshirtem, coaching institute kiburtem, doctor, lawyer aser activist tem dena lir.

National Testing Agency (NTA) ajanga agiba National Eligibility-cum-Entrance Test (NEET UG 2024) tanaben agishiang ta parnoki akhanger.

Ken o benokertemisa candidates 1,500 tema nem grace marks agütsüba agientsü akhanger.

NTA-i June 4, 2024 nü results sangdongba nung kaketshir 67-i

NEET All India Rank 1 (percentile score of 99.997129) nguteta liasü.

Kaketshir aikati rank 1 kasa anguba aser iba nung centre ka nungi kaketshir 6 densemba, tesüiba küm den medemdangra cut-off teimba akümba aser exam centres nung tim masüba inyakba atema nisungtemi ashishitepa PIL benokogo.

Supreme Court-i Mongulbarnü iba mesükba PIL ka angadang saka MBBS, BDS aser tanga courses atema counselling process sota ayutsü memulung. Supreme Court summer vacation sülen July 8 nü tanga ken o tem den külemi iba PIL angadangtsü lemtetogo.

PIL nung NEET 2024 paper leak indang shia lir saka NTA-i iba ya magizükter.

Pema Khandu-i kümsük 3 atema Arunachal Pradesh CM inyaksü

Itanagar, June 12, 2024 (Agencies): Arunachal Pradesh nung BJP legislature party leader inyaksü atema Pema Khandu shimogo aser kümsük tasemben atema Chief Minister inyaksü.

June 13 anepdang 10:00 ako nung Pema Khandu-i DK Convention Centre nung tezüngzüktep agitsü sentong renema lir.

Tanü BJP lennirtemi meina Pema Khandu-i Raj Bhavan nung Governor Lt. Gen. K. T. Parnaik (Retd.) den ajurutep aser sorkar akümsü kuli agüja lioasü.

Governor Parnaik-i ibaji

mulunga agizük aser Pema Khandu dang sorkar tasen akümsü jaokogo.

Itanagar nung aliba Dorjee Khandu Convention Hall nung iba sentong agitsü aser iba atema maparen inyakdar aser security akangshio.

Iba sentong nung Union Minister Amit Shah, BJP National President JP Nadda, Nagaland Chief Minister Neiphiu Rio, Tripura Chief Minister Manik Saha, Assam Chief Minister Himanta Biswa Sarma, Sikkim Chief Minister P.S. Golay aser ano tongtipang nisung aika adentsü imlar.

World Day against Child Labour nung poster campaign agi



Kohima, June 12, 2024 (TYO): Department of Labour Nagaland-i Bodbarnü World Day against Child Labour nungtem nung state ajungalen poster campaign agiogo.

Tanur nem tashiyim agi mapa inyakdaksüba ya ozüngi memelar ta asüba osang Nagaland nung prokshitsü atema Department-i "Let's act of our commitments, End child labour" omen nung ajemdaker poster campaign ayonga inyakogo.

Child labour anema inyaksüba meranger aser alima nung tanur million aika shisaliok mangur, taküm lendong nung alir aser tanur ka ama meliteti tashiyim agi mapa inyakdaksür.

Sustainable Development Goal Target 8.7 agizükba ajanga alimai 2025 tashi nung child labour samatsütsü tenangzükba agiogo.

Child labour ya kanga dang tebenja aser tebilemsü aliba khuret ka lir aser iba ya sensaktia, shisaliok manguba aser loktiliba

nung nisung telemsa ajanga adoker.

Child and Adolescent Labour (Prohibition and Regulation) Act, 1986 nung tanur ta asüba ya arishi küm 14 majung tashi lir. Iba arishi küm tashi Right of Children to Free and Compulsory Education Act, 2009 (35 of 2009) nunga lateta lir.

Iba Act nung tanur shinga mapa inyaksü mesüra inyakdaksütsü temelaba magütsütsü ta lateta lir.

Sorkartem, civil society organizations aser international bodies-i tanurtem kümzükba ayutsü atema mapa balala inyaka arur. Parnok nem shisaliok tajung, tekümzükba aser maongkatem agütsütsü meranger. India nung

Child and Adolescent Labour (Prohibition and Regulation) Act, 1986 nung shibai tanur ka mapa inyakdaksütsü aniokdir mesüra inyaksü temelaba agütsüdir tepuokdak ayutsü tashi temerenshi angutsü ta lateta lir.

Labour Department-i alima den külemi ozüng tesashitem ajanga child labour anema inyaksü nangzükshiba metetdaksüogo.

India nung Childline 1098 24-hour helpline service amala service balala ajanga tanurtem kümzükba arur, yarir, tesayuba agütsür aser len anir. Iba helpline ya trained professionals ajanga repranger aser parnoki child abuse, neglect, exploitation, trafficking & other emergencies atema inyaker.

Labour department-isa Nagaland nung workers atema bilema inyaker aser iba atema Labour Department toll-free number (18003090407) lir.

World Day Against Child Labour nung asenoki alima nung tanur million aika atema bilemsüdi kechiyong parnoki tanur ka ama sadema liyonga aotsüla aser tarutsü tajung atema maongka agütsütsüla ta Department of Labour Nagaland-i ayongzükogo.

NE kaketshir 4-i Taiwan government scholarships angu

Guwahati, June 12, 2024 (Agencies): Northeast nungi Hironmoy Boruah, Snigdha Sarkar, Teisovinuo Pienyu aser Vimenuo Lhoungu nungeri tawa tu 2024 Huayu Enrichment Scholarship agizükogo.

Northeast kaketshir pezü nem Taiwan Ministry of Education ajanga Scholarship agütsü aser parnok study trip atema Taiwan-i aotsü.

Kaketshirtem ya Assam Don

Bosco University nung Taiwan Education Center nung Mandarin angazükdar. Northeast nung Taiwan lecturer kati Mandarin courses agiba rejuji iba ya dang lir.

March 2024 nung kaketshirtemi Mandarin Proficiency Test -TOCFL (Test of Chinese as a Foreign Language) agütsü aser Taiwan Ministry of Education nungi kulikaket angu. Iba ajanga parnoki Huayu Enrichment

Scholarship agizüktsü temsüa aküm.

India nunger kaketshirtemi Taiwan oshi aser sobaliba angazüktsü aser linük ana tsüngda tesentaktep akangshitsü atema Taiwan sorkari kümshia Huayu Enrichment Scholarship agütsür.

Iba scholarship angurtemi Taiwan nung amongtsü atema monthly stipend 25,000 NTD (approximate Rs. 65,447) angur.

CM Rio'er sorkari ENPO anaben tashi ashioktsür: RPP

Dimapur, June 12, 2024 (TYO): Nagaland Chief Minister Neiphiu Rio-i anaben tashi Eastern Nagaland People's Organisation (ENPO) ashioktsüogo ta Rising People's Party (RPP)-i ashi.

Tang tesüsabaji Eastern Nagaland nung Urban Local Bodies (ULBs) nung NDPP/BJP candidates tenung agütsüba lir. Nagaland Chief Minister Neiphiu Rio-i Frontier Nagaland Territory (FNT) onük nembanga ayuba sülen Eastern Naga nunger ULBs election nung tokteptsü atema sentong atonga inyak ta RPP-i ashi.

Ministry of Home affairs

(MHA)-i state sorkar dang December 31, 2023 matongdang Frontier Nagaland Territory indang Draft Working Paper (DWP) atema tebilemba meshi. Ajisüaaka state sorkari DWP atema meinyak ta ENPO-i April 2024 nung sangdong ka agütsüba nung shia lir.

ENPO-i sangdong balala ajanga Chief Minister Neiphiu Rio-i tebilemba tamajung yur inyaksangshiba aitsüogo aser parnoki Lok Sabha elections nung shilem magitsü otsütsü lemtet ka agia liasü, ta RPP-i ashi.

CM Rio-i ENPO ashioktsüba sülen parnoki Lok Sabha nung shilem magitsü lemtet. Külen

public-ia Congress candidate Supongmeren Jamir nem takok ngudakja parnok tebilemba metetdaksüogo ta RPP-isa ashi.

NDPP-BJP teloktep sorkari 'divide and rule policy' inyakba aser ENPO maksüdaksüba aitsür. Rio-i anaben tashi ENPO ashioktsüogo aser iba nung rubber stamp NDPP president Chingwang Konyak-i yaritepogo. Chingwang ya taoba nung Frontier Nagaland Territory (FNT) indang talk team member ka liasü aser pai NDPP candidates sotteta liasü, ta RPP Vice President Vitho Zao aser General Secretary Amai Chingkhun nati sangdong ka nung ashi.

NBSE nung takok angur nem Governor's Award agütsü



Dimapur, Aami/June 12 (TYO): HSLC aser HSSLC Examinations 2024 nung toppers, rank holders aser takok balala angur nem Governor's Award agütsüba sentong ka June 12, 2024 nü Dr. Imkongliba Ao Hall, Raj Bhavan, Kohima nung agia liasü.

Iba sentong nung jembidang meranga azüingba kaketshir temi takok anguba atema Nagaland Angh La Ganesan-i tenüngsang agütsü aser parnoki pei kinunger, school aser yimtsür-yimer tejak tentetdaksüogo ta ashi.

Iba sentong ya kaketshir temi takok anguba benjongba kisüing masü saka tesayur, kinunger aser medemer temi yariba atema tenüngsang agütsütsü atema lir, ta pai ashi.

India nung education system tajungba kumdahtsütsü mechi sorkari shilem tajung agia arur aser policy balala benoka arur, aser item rongnung National Education Policy, 2020 ya ka lir, koba tongshi pongu, "access, equity, quality, affordability, aser accountability" nung amendaker yanglu, ta Nagaland Angh-i ashi.

NEP nungya India nung aliba kaketshir nem tesayur tajungtiba agütsütsü, kanga aroka shisadanga khuret balala koktetba yimyatem renlokdahtsütsü nükjidong lir. Anungji lanurtem tang aser tarutsü nung linük aser alima

nung tayongzüka balala akoktsü renemtsür, ta pai ashi.

Alima nung India ya rongsenketzüing tekeratiba ainba linük ka kumogo aser aintsü atema Nagaland nung kisüing masü saka India tesem balala nung maongka jenti lir, ta ashi.

Iba sentong nung aliba kaketshirtem tanü aser tarutsü atema lenir tajung akumtsü aser pei sasa pei peria aliba takum ka-ka kumdahtsüner, ta Angh La Ganesan-i ashi.

Paisa taruba küm nungi kaketshirtem atema senpet sen timba kumtsütsü ta metetdaksü.

Iba sentong nung Advisor, School Education and SCERT, Dr. Kekhrielhoulie Yhome-i jembidang kaketshir nem tenüngsang agütsü aser parnok dang tali meranga zünga jenjang temaba tongtettsü ayongzüka liasü.

Governor indang office ajanga iba ama sentong ayongzüka state nung kaketshirtem ajungmesoba atema pai pelaba lemsatop.

Pai kaketshirtem dang taküm nung tajung ajak pela agizüktsü aser tajungtiba atema meranga inyaka state aser nüburtem lenir akumtsü ajungshia liasü.

Sentong nung EAC Mokokchung, Alemyim Isaac Solo-ia kaketshirtem ajungmesoa o tatsüka jembidang, pei mulungjang nung ajungmeso aliba ajanga ideas tem mapa kuma inyaker aser

takok angur, ta ashi.

Lai kaketshirtem dang tayongzüka aser koda masü ajurudang tezü tanga malitsü ajungshia liasü.

Lai kaketshirtem dang yimya tajung sübatsü ajungshi aser jangratema aliba takum yutsür dangar takum nung temelenshi tajung bener arutsür ka-ka akumtsü ayongzüka liasü.

Chairperson, NBSE, Asano Sekhose ajanga iba sentong tenzüka metetpela mapang agia liasü aser Commissioner & Secretary, School Education & SCERT, Kevileno Angami-i melepzüing o jembi.

Iba sentong nung HSLC aser HSSLC nungi kaketshir 62 nem tetushi agüja liasü. Iba sentong tembangba sülen Angh La Ganesan-i kaketshirtem den sensaksemba mapang agia liasü.

Sangtemla Ward nungi candidate tem arok sabang nung nokdakdaksü

Mokokchung, June/Aami 12 (TYO): Mokokchung nung Mokokchung Municipal Council (MMC) kübok Urban Local Bodies (ULB) election agitsü aliba nungtem nung Sangtemla Ward yimdeni ayongzüka par Sangtemla nungi tokteptsüpar candidate-tem jaoka parnok kechiba ULB election nung noktaker iba indang nükjidong aser tebilemba lemsaba sentong Mokokchung Town Hall nung kaogo.

Candidate-temi parnok nükjidong aser tebilemba lemsaba mapang mezüing buba nung NDPP candidate Wb. I.Tali Longkumer-i pa Sangtemla Ward nung jenjang balala nung küm 15 tashi tenzüka arur kelen, ano nüburtemi pa nübu nungtaker ta asüba agi pai iba ULB election nung noktaker, anungji nüburi dang shimetra pa jurila asoshi

mebilemi nübur asoshi bilema inyaksü temulungtetba lir ta ashi.

Wb. I.Tali Longkumer-isa ULB election magiba ajanga terenlok marui küm aika dang süidaksüogo, nüburi dang temelung lemteta shimra mapa aika dang teinyaksü lir, saka item rongnung teinyaksü mezüingbubaji tzü bener arutsüba ya lir, kechiaser Mokokchung nung tzü agi kanga dang okronger ta ashi, paisa 2016 küm pa ward yimden nung aliba mapang 2016 küm nungi tenzüka Mokokchung-i tzü bener arutsü asoshi lenmang balala bushitepa aruogo aser iba mapang nung Chief Minister-a asemben-pezüben tashi ajuruogo, anungji iba mapang nung anangdak ja akaba daka jemdaker tzü maparen jia tali awa oa inyaksü ta lemsatop.

(Maneni Tapak 6 nung)

Peren DPDB June 14 nü amentsü

Dimapur, Aami/June 12 (TYO): June ita atema Peren District Planning & Development Board senden June 14, 2024 nü anüingdang 11:00 ako nungi tenzüka Deputy Commissioner, Peren indang Conference Hall, New Head Quarter nung amentsü ta sangdong ka ajanga ashi.

Iba senden nung Peren DPDB züingsem aser HoDs ajak arua adentsü metetdaksür, ta District Planning Officer & Member Secretary, DPDB, Peren, N. Toshi Jamir-i sangdong nung ashi.

SEC ajanga ULB atema Election Observers shimshi

Dimapur, Aami/June 12 (TYO): State nung Municipal Councils asem aser Town Councils 36 nung general election agitsü atema State Election Commission ajanga April 29, 2024 nü Election Programme sangdonga liasü.

Iba sülen May 31, 2024 nü Election Observers shima election agitsü atema nisung shia municipalities lemezükja liasü, ta sangdong ka ajanga ashi.

Ajisüaka Election Programme nung agüja aliba nomination anogotem nung Mon, Longleng, Noklak, Tuensang aser Kiphire district tem nung nomination kata maliba yong item Municipalities nung election agitsü mapa madoker, ta ashi.

Iba yongji Commission ajanga May 31 nü sangdongba nung tera melenshia aser shia aliba Municipalities nung

nomination kata maliba mechi Nagaland Municipal Act 2023 indang Section 31 (1) aser (3) nung tashi agüja aliba amshia Election Observers shimshishir, ta sangdong ajanga ashi.

Iba dak sendakba nung Election Observers temi nungdakba mera agitsü akok, ta ashi.

Municipal/Town Council Elections 2024 atema Observers shimshiba yamai alitsü:

NSCN/GPRN ketdangsür kar shimogo



Dimapur, Aami/June 12 (TYO): Sorkar maparen tiptema aser tajungtiba nung inyaktettsü mechi Tir indang office ajanga C-In-C (Commander In Chief) ama Maj. Gen Howoto Yeptho shimer, Deputy C-In-C ama Maj. Gen Mongnei Konyak shimer, GSO [1] ama Brig. Jack Chophi shimer, GSO [2] ama Col. Nikhuvi Chophi shimer aser Military Supervisor ama Col. Abel Yeptho shimer, ta NSCN/GPRN-R (Akato)

indang sangdong ka ajanga ashi. June 12, 2024 nü Tir ajanga totuyuba agütsüba nung ketdangsür tasentem dang, maba tasen nung teinyaksü tulu lir, anungji bendanga agütsür temulung agüja aser mapa shidak inyaksü imlar, ta ashi.

Totuyuba nungsa Political, Central Secretariat aser Naga Army Wing nungi ketdangsür aser züingsem ajak dang iba temelenshi meteta ketdangsür den tajungtiba nung amalitep akatsü metetdaksür ta ashi.

S.N	NAME	DESIGNATION	MUNICIPAL/TOWN COUNCIL
1	Shri Anthony Ngully	Secretary	Kohima Municipal Council
2	Smti. Arenla Jamir	Secretary	Dimapur Municipal Council
3	Shri Kuko Mero	Secretary	Mokokchung Town Council
4	Smti. Bodeno S Colo	Addl. Secretary	Chumoukedima Town Council
5	Smti. Renboni Mozhui	Addl. Secretary	Tening Town Council
6	Smti. Elizabeth Ngully	Addl. Secretary	Tseminyu Town Council
7	Smti. S. Tainiu Khiamnuingan	Addl. Secretary	Chiephobozou Town Council
8	Smti. Linda Solo	Addl. Secretary	Mangkolemba Town Council
9	Smti. Yongchingkumla	Addl. Secretary	Niuland Town Council
10	Shri Sentiwapang Aier	Addl. Secretary	Peren Town Council/Jalukie Town Council
11	Shri T. Yanpvuthung Kikon	Addl. Secretary	Zunheboto Town Council
12	Shri T. Nungsang Sangtam	Addl. Secretary	Aboi Town Council
13	Shri Hiazu Meru	Addl. Secretary	Wokha Town Council
14	Shri Sangmai C. Imlong	Addl. Secretary	Phek Town Council
15	Shri Nokchasashi	Joint Secretary	Longleng Town Council
16	Shri Razouvolie Dozo	Joint Secretary	Tuli Town Council
17	Smti. Lithrongla T. Rutsa	Joint Secretary	Naginimora Town Council
18	Smti V. Lovitoly Sema	Joint Secretary	Pfutsero Town Council
19	Shri Renabomo Odyuo	Joint Secretary	Pungro Town Council
20	Smti. Kusa Fithu	Joint Secretary	Tizit Town Council
21	Shri Hito Sema	Joint Secretary	Meluri Town Council
22	Smti. Bendanglila	Joint Secretary	Aghunato Town Council
23	Smti. Athrila S. Sangtam	Joint Secretary	Changtongya Town Council
24	Smti. Olemjungla Aier	Joint Secretary	Chozuba Town Council
25	Smti Sungtila Jamir	Joint Secretary	Satakha Town Council
26	Smti. Avelu Ruho	Joint Secretary	Bhandari Town Council
27	Shri Imsongmeren	Joint Secretary	East Dimapur Town Council
28	Smti. Limanenla	Joint Secretary	Medziphema Town Council
29	Shri Chubatemenjen	Joint Secretary	Shamator Town Council
30	Smti. Temjensangla	Joint Secretary	Atoizu Town Council

Tang mezüng Odisha state nung BJP-i sorkar tentetogo

Bhubaneswar, Aami/June 12 (Agencies): Odisha state nung tang mezüng BJP-i sorkar tentetogo; Bodhbarnü BJP lenir Mohan Charan Majhi-i Chief Minister tenangzükba agi aser pa den party lenirtem- Kanak Vardhan Singh Deo aser tang mezüng MLA, Pravati Parida nati Deputy Chief Ministers tenangzükba agiogo.

Parnok den Suresh Pujari, Rabinarayan Naik, Nityananda Gond aser Krushna Chandra Patra nungeria ministers tenangzükba agi.

Parida ya Odisha nung tang

mezüng tetsürtem rongnungji deputy chief minister asütsü. Odisha nung chief minister densema minister ajak senteper 22 alitsü aser parnok rongnung

Kanak Vardhan Singh Deo, Pravati Parida, Suresh Pujari, Rabinarayan Naik, Nityanand Gond, Krushna Chandra Patra, Prithivraj Harichandan, Mukesh Mahaling, Bibhuti Bhusan Jena, Krushna Chandra Mahapatra, Ganesh Ram Singh Khuntia aser Suryabanshi Suraj nunger densema lir.

Tawa Odisha Assembly elections nung BJP-i Naveen Patnaik-i aniba Biju Janata Dal party tamakok ngudakja liasü.

BJP-i menden 78 angu aser BJD-i menden 51 angu. Congress-ia menden 14 angu, CPI(M)-i menden ka aser Independent candidate aseme takok ngua liasü.

Odisha chief minister menden atema anogo ishika tenüng mesangdongi aruba sülen tesüsa BJP Parliamentary board senden nung züngsemtemi Odisha Chief Minister shima liasü.

Chandrababu Naidu-i AP CM tenangzükba agiogo

New Delhi, June 12 (Agencies): Bodhbarnü Telugu Desam Party Tir, Chandrababu Naidu-i Andhra Pradesh chief minister tenangzükba agiogo aser pa den JanaSena Party Tir Pawan Kalyan-i Deputy Chief Minister tenangzükba agi.

Naidu aser Kalyan na den TDP General Secretary Nara

Lokesh-ia minister tenangzükba agi. TDP Andhra Pradesh unit Tir K. Atchannaaidu aser Jana Sena Party political affairs committee chairman Nadendla Manoha nata AP Cabinet nung desnema lir.

Andhra Pradesh Assembly Elections 2024 nung NDA teloktep nungi TDP, JSP aser BJP longjemer toktep. TDP-i

menden 175 nungi menden 135 nung takok angu, Jana Sena Party-i menden 21 aser BJP-i menden 8 nung takok angu.

Chandrababu Naidu-i CM tenangzükba agiba sentong nungi Ato kilonser Narendra Modi, Home Minister Amit Shah aser Health Minister JP Nadda densema BJP Central lenirtem aika aden.

MULUNGNEN O

ASO:
Aug. 4, 1960

ASÜ:
June 10, 2024



Asür TEMJENWABANG OZÜKÜM (Mopungchuket), iba akümlir wadang toksür Kibuba dangi aoba anogo June 10, 2024 nü, kinungertem, kiyongertem, tembartem aser temeimertem shirnokisa tamang sarasadem den rongsen, nübu agi yaritepogo, nenok ajak dang asür kinungertemi kanga dang pelaba lemsateper.

Onoki tsüngdong arua pelaba melemsatetpa asoshi sasa-a bilemer, saka nenok temeim mapa tajung asoshi asen Tulusang Tsüngremi maneni moajangma ta onok sarasadem.

Temeim Kinungtsü, Jabaso aser Kinungertem.

Modi Cabinet nung ministers shilem 39 anema ken o benoka lir

New Delhi, June 12 (Agencies): Ato kilonser, Narendra Modi-i aniba Cabinet tasenba nung minister 71 nungi parnok 28 (shilem 39) anemabo ozüng alema inyakba ken o balala benoka lir, ta Association of Democratic Reforms-i metetdaksü.

Minister 19 (shilem 27) anemabo ozüng alema inyakba ken o tamajung benoka lir; item ken otem rongnung nisung tepsetba aser tetsürtem anema inyakba ken o densema lir.

West Bengal nungi BJP MPs- Shantanu Thakur aser Sukanta Majumdar na anemabo nisung tepsetba ken otem benoka lir aser tena anemasa tetsür anema inyakba ken otem benoka lir, ta ADR-isa metetdaksü.

Shantanu Thakur ya minister of state for ports, shipping & waterways aser Sukanta Majumdar ya minister of state for education & development of north eastern region lir.

Ano minister pongu anema tetsürtem anema inyakba ken otem benoka lir aser parnok rongnung Kerala nungi BJP MP, Suresh Gopi densema lir. Gopi-i Minister of State for petroleum & natural gas and tourism tenangzükba agiogo.

Ano minister 8 anema tesempa o jembiba ken otem benoka lir aser parnok rongnung Union home minister Amit Shah aser textiles minister Giriraj Singh na densema lir.

Amongnü Ato kilonser Narendra Modi densema minister 72-i tenangzükba agiogo.

Kuwait nung ki arongba lendong nung India nunger 40 asü

New Delhi, June 12 (Agencies): Bodhbarnü Kuwait nung Mangaf area kübok building ka arongba lendong nung India nunger 40 asü aser nisung 50 dak tema yiruogo.

Bodhbarnep Mangaf area nung trokben amentepa asüba building ka nung joka ka nungi mi adok. Iba building nungi nisung 160 shi telidak liasü.

Parnok teimbaka company ka nung inyaker aser mapa inyakertemji teimbaka India

Kuwait nung aliba Indian Embassy-i X ajanga, "Tanü India nunger mapa inyakertem densema asüba mi lendong dak sendakba nung Embassy-i emergency helpline number: +965-65505246 sangdonger. Ajaki iba number ajanga tongteprateptsü akok. Akokba tashi yariteptsü atema Embassy renema dang lir," ta metetdaksü.

(Maneni tapak 8 nung...)

18buba Lok Sabha senden June 24 anogo nungi tenzüktsü

New Delhi, June 12 (Agencies): 18buba Lok Sabha senden June 24 nü tenzüktsü aser iba anogo nungi Lok Sabha nung züngsem tasenpurtem tenangzükba agitsü aser Speaker shimtsü, ta Bodhbarnü Parliamentary Affairs Minister, Kiren Rijju-i metetdaksü.

June 27 nü linük Tir, Droupadi Murmu-i Lok Sabha aser Rajya Sabha külem

senden nung jembitsü aser taruba küm 5 atema sorkar tasenba asalentong yanglutsü. Lok Sabha senden July 3 anogo nung tembangtsü. Iba senden mezüngbuba anogo asem nung züngsem tasenpurtem tenangzükba agitsü aser Speaker shimtsü. Parliament House anaprongla July ita tasembuba hopta nung tanaben adenshitsü aser Union Budget benoktsü.

(Maneni tapak 8 nung...)



GOVERNMENT OF NAGALAND
DIRECTORATE OF TECHNICAL EDUCATION
Nagaland: Kohima-797004



NO.DTE/ESTT-2/3/2016-17/5881 Dt.Kohima, the 11th May, 2024.

NOTIFICATION

NO.DTE/ESTT-2/3/2016-17/ : This is to inform the interested candidates to collect a prescribed application form for Diploma Course outside the State during 2024-25 session from the Directorate of Technical Education, Kohima (Below New Secretariat Complex) on payment of Rs.300/- (Rupees three hundred only) from 12-06-2024 to 21-06-2024 during office working hours. The form may also be downloaded from the official website <https://dte.nagaland.gov.in> in which case the fee should be submitted in cash along with the form printed in white paper (A4 size) by hand.

The last date for receiving the complete forms by hand is 24th June, 2024 after which no request will be entertained. The selected list of Candidates will be published on the 29th June 2024.

Sl. No.	Name of Course	Seats	Eligibility
1	Printing Technology	1	HSLC/Equivalent Certificate with Minimum 40% in Mathematics and Science
2	Photography	1	

Sd/-
(Er. VIPULHOU LHOUNGU)
Director



GOVERNMENT OF NAGALAND
DIRECTORATE OF TECHNICAL EDUCATION
Nagaland: Kohima-797004

NO.DTE/CSAB-NEUT/1/2023 Dated Kohima, the th June 2024.

NOTIFICATION ON CSAB-NEUT: 2024

This is to inform all the JEE (Main)-2024 appeared candidates that registration for counseling under CSAB-NEUT: 2024, to fill up Nagaland State Quota in engineering, architecture and pharmacy, can be accessed from the portal www.csab.nic.in. Interested candidates are advised to strictly adhere to the Schedule/timeline given below chart.

Seat Allocation Schedule for CSAB NEUT-2024.

Sl. No	Event	Duration
1.*	Online provisional Registration and uploading of documents [Engineering, Architecture & Pharmacy]	Mon, 17 Jun 2024, 10:00 hrs Mon, 24 Jun 2024, 17:00 hrs
2.	Filling up of choices [#]	Tue, 18 Jun 2024, 10:00 hrs Mon, 01 July 2024, 17:00 hrs
3.	First Round of Seat Allotment	Mon, 08 July 2024
4.	Online reporting (Round 1): • Online payment of seat acceptance fee (SAF) of Rs. 5,000/- • Exercising willingness options (Float/Slide/Freeze) by the candidates who have been allotted seats against first Round of allotment. • Candidates exercising the Freeze option can download Provisional Admission Letter (PAL) and proceed for final admission at allotted Institute as per schedule.	Tue, 09 July 2024, 10:00 hrs Mon, 15 July 2024, 17:00 hrs
5.	Second Round of Seat Allotment	Mon, 22 July 2024
6.	Online reporting (Round 2): Online payment of seat acceptance fee (SAF) of Rs. 5,000/- only for the candidates who have been allotted seats for the first time Candidates can download Provisional Admission Letter (PAL) and proceed for final admission at allotted Institute as per schedule.	Tue, 23 July 2024, 10:00 hrs Mon, 29 July 2024, 17:00 hrs
7.	Seat Withdrawal	Tue, 30 July 2024 Thu, 01 Aug 2024
8.	Reporting at the allotted Institute for admission	Wed, 10 July 2024 Thu, 01 Aug 2024

Note: -
* Registration and Choice filling for Engineering & Architecture will be separate from that of Pharmacy.
Candidates will be permitted to fill choices only after successful registration and document verification. Candidates are advised to lock their choices; otherwise the last saved choices will be automatically locked upon reaching the deadline.

(Er. VIPULHOU LHOUNGU)
DIRECTOR



TIR YIMYIM YIMOBILEM (EDITORIAL)

DIMAPUR

YANGTEPNÜ

AAMI 13, 2024

Anojungi Mapa Inyaktaktsüba

- Tansen Lemtur

Tanurtem aser tainlonglongpurtemji tsüraburtem akhümbok nung akok tashi anepalutsü mapang ka lir; tilateri tenyabada dak alaka tanurtem nem mapa tasak inyaktaktsübaji tim masü, iba tangatetba nungji tanurtem nem mapa tasak inyaktaktsüba nokdangtsü aser awareness agütsütsü nükjidong nung küm shia June 12 anogo nung 'World Day against Child Labour' amonger. Iba anogomong among tenzükbä sülen yashi küm 25 jungogo. 2000 küm nungi tenzüka tanü tashi nung alima nung tanur mapa inyaktaktsüba tera dang ajemdaktsütet. Iba dak alia küm ishika jakdang coronavirus wara aser alima tesem balala nung rara ajanga kibongtem aika kanga sensak tiai ia ano tanur million aika mapa inyaktaktsütsüsa aküm. Tanü alima nung tanur million 160 shibo tang tashi mapa inyaktaktsür, aser ibaji alima nung tanur 10 shia nungi tanur kabo mapa inyaktaktsüba den kasa ama asadanteter. Yashi-a (June 12) 'Tanur Mapa Inyaktaktsüba Anenang' omen nung ajemdaker World Day Against Child Labour anogomong mongogo. Tanur mapa inyaktaktsüba nokdangba maparen nung temelenshi terabo liasü saka tesüiba küm ishika tsüngda ano jenjang tamajungba akümba ajanga asentenshir iba tebilemtsü anema inyaktaktsü nüngdaka kümogo. Tanurtem anojungi mapa inyaktaktsüba ajanga parnok shi aser shisatsü densema lenla ajak nung mejungi kongshir. Sustainable Development Goal Target 8.7 kübok alima linüktemi 2025 küm tashi nungbo tanurtem mapa inyaktaktsüba meshi-meshia anentsütsü nükjidong yur inyaker. Tang alima nung arrshi küm 5-17 tsüngdapur tanur million 152 shi mapa inyaktaktsür aser iba nungjagi tanur million 73 bo temang nung mejungi kongshitsüsa mapatem inyaker. Item ama tanurtem chiyungtsü tajung machir, shisaliok magütsür aser temeden mangur, ibayongji iba tebilemtsü onük atema sorkar, lokti tentettem aser melungtet teloktem longjemer inyaker. Taintemi inyaktaktsü mapa ser nung shi-azü lanu nung tanurtem nem-a inyaktaktsüba agi tanur ka tarutsü jenjang metetsümonga raksatsür. Iba tebilemtsü nokdangtsü asoshi India nunga 2006 küm nungi 'The Child Labour (Prohibition & Regulation Act' ozüng mapa küma benoka inyaker. Iba ozüng kübok arrshi küm 14 ser tekübokpur tanurtem mapa inyaktaktsüba nokdang aser tainlonglongpurtem-a (arrshi 14-18) temang raksatsüsa chiyungtsü yangluba, ongken atuba, moko yangluba aser cement yangluba ama mapatem inyaktaktsüba nokdang. Talisa India ama kanga sensaker nütüng aika aliba linük ka nung kidangkibong nung makamait ajanga tanurtem anojungi industry aser factory balala nung mapa inyaktaktsütsüsa akümer. Asen lima nungbo tsüraburtemi makamaityonga akok tashi chirurtem school tajungtiba nung züngdaktsür aser tilateri mapa inyaktaktsüba dak alaka taintemi inyaktaktsüba mapatembo meinyaktaktsür. Ajisüaka kidang school zünga yaritepa alitsü anir aruba tanurtem school-i junga meyoki mapa tasak inyaktaktsüba aser teka mejungi sangshiba mapang shia ataloker. Atangji chirnurtem süaka kidang yaritepa alirtem süaka arrshi küm 18 tekübok tanurtemji tsüraburi amokbanga tajungtiba nung anepalutsü mapang ka lir. Tsürabur aikati pei chirnurtem school zünger tajung kümdaktsütsü nükla nung tangar kidang alitsü yoker, saka ki kiburtemi item kilirtemji school-i junga meyoki mapa tasak dang inyaktaktsüra Child Labour ozüng kübok aibelener kaka asütsü.

OLEMSABANG

" Election Yimyim "

L. Kika Pongener.

Oh...Election, ozü Naga nunger tulur-tilar, takar-sensaker ajaki na yongyar, Yimsusur-ia yongyar, kijung lanur-ia yongyar aser aiur-asangur-ia yongyar, Arogo tenzükertem, Putirtem, laishirtem aser arogopurtem ajungai yongyar, Ozü Naga nungerbo rongsen aser supokrem matsüngdang shinga mejenpur.

Oh....Election, nai küm pongu shia ozü Naga lima raksatsür aser lemsatsür, Nai yimden, arogo aser loktiliba ajak nung teraksa aser telemsa adokdaktsür, Nai kin-kidong, meposanger, yimtsür-yimer tsüngda meputep adokdaktsür, Nai tsürabur, adianu aser pur-medemer tsüngda nunga tsükchitep dendaktsür.

Oh...Election, nai ozü Naga lima nubur Sodom Gomora lima ama menentsür, Kodang na arudir, nai teti temesepba chiyungtsü yi, drugs taluposa bener arur, Kong na lidir idakji teti chidiyungdi, japojar, nuktapangda mapa agi sunga lir, Na alidak teti rongrong, raratep, mangatettep aser mepetmesu agi sunga alitsü.

Oh... Election, nai ozü Naga nunger senyong pei temeden ayoktsü ajungshir, Esau-i aya marem nung chi auso ka yong pei tambu senmang yoka achiba ama, Posu-i aya marem nung pei techanu dena yoka achitsü apayua mebilemba ama, Ozü Naga nungeri tanü poksung sen ishika mechi pei temeden vote yoka achir.

Oh...Election, na kodang arur ozü lima nung azü tokshiba mapa aika ataloker, Kain-i tenu Abel tepsettsü mapayuba ama adianui pei adianu tepsettsü mapayur, Ozü limai na arur külen tashitemeteter kenshi-oshir senso tajung aika tepsetogo, Ozü lanur tajung, lennir tajung, yimsusur tajung aika dang leper nung rema lir.

Oh...Election, nai ozü sorkar tenzükertema dena ochimashi inyaktaktsü ajungshir, Nubur meyong rongsen agi pei nuja meyong kümer agitsü temulung uludaktsür, Nai ozü lima nung terenlok mapatem aika meinyaki anena ayutsüsa kümdaktsür, Ozü lima terenlok inyaktaktsüba sen agi vote alitsüba mapa nungang amshidaktsür.

Oh....Election, na marudang ozü lima iba amai teraksa aser tepenja makai liasü, Ozü Naga nunger ochishir yimden yimsusur aser lokti lennirtem aika dang liasü, Pei asoshi mebilemer, pei ajungtsü mebushir, nubur meimba yimsusur aika liasü, Saka na arur külen item yimsusur aser lennir tajungtem ajunga nai raksatsüogo.

Oh...Election, nai ozü Naga lima yimsusuba bangdak sabanga dena meyipsatsü, Nai ozü yimsusur sen agi tebang nembangtsü aser supokrem agi tenuk pokdaktsü, Tsüngrem lar dena Election kangla nung asonger ochi poküm nung menokdaktet, Khristar arogo-a dena Election shisa-rama tzüchi nung asonger ochi ola madoktet.

Oh...Election, Ozü Naga nungeri ozü Naga limaji 'Dry State' ta yimyim ayim, Saka nai iba yimyimji ali tur remtsüogo, amajok aser tamakitsü kümdaktsüogo, Kechiyung kodang na arudir alima kinuk-kisang ajaklen 'Yi Bottle' agi asünger, Ozü lima Khristan lima agi Hindu-Muslim lima danga tamajungba kümdaktsür.

Oh...Election, ABAM & NBCC-i anir, Election meruka agitsü yimyim ayimer, Joko ozü Naga lima yanglushitsüba nütüng-nubur ajaki mulungteter ola adoker, 2024 küm ULB Election yabo ochishia merukmeruka agitsüba renemshia atadi, Naga nunger ajunga kenpang-opang ka sur 'Clean Election' yimyim ayimoktsüdi.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Khristan lenirtemi Manipur nung CM melentsü akhanger

June 12, 2024: Khristan lenirtemi tang Manipur nung teloktep sorkar tasenba nung tongti lenir melentsü atema takhangba agütsüogo.

Yaküm May 3 nungi tenzüka Manipur nung lisopur telok ana tsüingda rara adokba sülen tang tashi nung nisung 220 shi süogo aser nisung 50,000 dak tema jenshiogo; takoksa angurtemji teimbaka tribal Khristantem lir.

RSS nung tongti lenir kati Manipur nung rara anentsü atema inyaksüla, ta tayongzükba agütsüba sülen Khristan lenirtemi Manipur nung lenir melentsü akhanger.

New Delhi nung amenoka aliba Federation of Catholic Associations of Archdiocese of Delhi (FCAAD) nung Tir, A C Michael-i, Rashtriya Swayamsevak Sangh (RSS) Tir, Mohan Bhagwat ya ruling BJP madak tashi tulu lir, ta ashi.

June 10, 2024 nü Nagpur yimti nung aliba RSS headquarters nung sentong ka nung jembidang Bhagwat-i, "Iba

rara anentsü atema tongtibang süa inyaksüla," ta jembia liasü. Iba dak sendakba nung Michael-i, "O tesa agi jembibaji teperi masü," ta ashi.

Michael-isa, Union Home Minister Amit Shah aser Manipur Chief Minister N Biren Singh na pepei menden nungi agientsü atema Bhagwat-i inyaksüla, ta ashi.

"Tang Manipur nung nüburtem timtemba ya tena [Shah aser Singh] ajanga lir. Tena maneni temaba menden nung lira timtemertem nem temeden magütsütettsü," ta Michael-i ashi.

Paisa Centre nung BJP-i aniba sorkar tasenba dang Bhagwat-i ayongzükba angatsüla aser New Delhi o Manipur na nung minister anaji melentsüla, ta ashi.

Yaküm May 3 nungi tenzüka Manipur nung tribal Khristantem aser Meitei Hindu nungertem tsüingda rara tenzüka liasü. Tang tashi nung iba rara nung Khristantem

teimba ser nisung 220 dak tema süogo aser lisopur 50,000 dak tema jenshia relief camps nung jenoka lir.

Nütsüing million 2.6 aliba Manipur state nung nütsüing shilem 41 shi tribal Khristantem lir.

June 10, 2024 nü telungpurtemi Chief Minister indang advance security convoy ka Jiribam district-i aoba mapang nung amak.

Manipur nung Arogo lenir kati, "Manipur nung tzüzung-ozüing mali. Kechi ataloktsüar metetba tensa ka lir," ta metetdaksü.

Arogo lenir jagisa, state nung yimjung alitsü atema Bhagwat-i Ato kilonser Narendra Modi den jembitsüla, ta ashi.

Arogo lenir jagisa state nung yimjung alitsü atema Chief Minister Singh melentsüla, ta ashi.

Indigenous Tribal Leaders' Forum-ia state nung rara atema chief minister Singh nem tai tongloktsür.

ANOGO ABEN TSÜNGREM DEN

Pa o asen asoshi lenmang


"Ne o kü tsüing asoshi milen, aser kü lenmang asoshi tesangwa" (T.Ken 119:105)

Tanü asenok switch agi dang sangwadaktsüba aser mangdaktsüba lima ka nung alir. Iba tesangwa nungji asenoki Laishiba meranga azüingba nung mapang endoktsüla. Laishibaji angatettsü meranga mezüingra milak remshitsü aser remseptsüa akok. Asenok taküm sayutsü aser anitsü asoshi Tsüingrem oji milen den atishia Lai nung amshiba asenoki angur.

Tsüingrem o tesayuba nendaka bushiba ajanga mapang ajak nung milenji pranga aronger aser asenok tim lenmang nungji lidaktsür. Kodang tesayuba tejangja mesüilir milenji mejangrui akümer aser asenok lenmang mengui akümer. Kodang tar nunger otsüi Tsüingremi agütsüba ozüing mendenji atsüingadokdir milenji remshir. Kodang asenok Tsüingrem o aser tamangertem telungjem nungi pilaa lidir milenji azülaa aor. Kodang asenoki tangar kibur ka tenzükdir milen tesangwaji sepatoktsü.

Tsüingremi mulungba o ajanga asenok dangi jungkai adoka lir. Tsüingremi aginüba ama Pa o sayutsüba dak alema iba melen tanga ka Pai agizüktettsüba temelen mali (2 Tim 2: 15). Laishibaji asen lenmang tesangwa lir ta iba lai o ajanga tali jangjadaktsür. "Oba ne tesangwa mejangjatsüsa kü dangi tesangwa kecha tarudaktsü," ta asenoki Pa dang shidi.

Alima nung Khristan kakat tejentiba pound sen million 3 agi ayok



June 12, 2024: Khristan yimsü dak sendakba kakat tejentiba puond sen million 3 agi ayok, ta auction house Christie's-i metetdaksü.

'Crosby-Schøyen Codex' ta ajaba kakatji Egypt nung 250 nungi 350AD tsüingda züluba liasü. Iba kakat ya alima nung Khristan kakat tejentiba lir ta bilemer. Mongolbarnü London nung iba kakat pound sen 3,065,000 agi yokogo.

Auction otongdar kati, iba kakat ya shibai alizükar tentüing

memetdaksütsü, kechiyong kakat alizüksangi pa tenüing mimshitsü onok dang mepishi, ta metetdaksü.

Iba kakat ya mezüing Khristan monastery ka nung liasü aser iba kakat nung Laishiba nung keta aliba kakat ana lir.

Christie's auction nung mongin, Eugenio Donadoni-i, "Iba kakat ya akhidang Mediterranean meketa aliba tesemtem nung Khristan yimsü mezüing prokba mapang dak

sendakba kanga tongtibang nüngshi kakat ka lir," ta metetdaksü.

"Yisu asüba sülen küm noklang ishika dang lir aser tasen Lai ajak zülüzükba sülen küm ishika dang lirbo Upper Egypt nung mezüing Khristan monastery nung Easter amongtsü atema iba kakat amshia liasü," ta paisa metetdaksü.

Iba kakat nung Peter aser Yona kakat na den Easter onük ka lir.

Kaduna state nung Muslim nungertemi Khristan putir ka puer ao



Rev. Gabriel Ukeh

Abuja, June 12 (Agencies): Amongnü (June 9) anepdang Nigeria kübok Kaduna state nung Muslim nunger auer telok kati Roman Catholic Arogo nung putir ka puer ao.

Zaman Dabo yimdak St. Thomas Catholic Tenla ki telungtet nung Rev. Gabriel Ukeh par kidang mejanga lia Muslim nunger telok kati puer ao, ta yangji alir, Freeman Dabo-i metetdaksü.

Osangbener den jembidang Dabo-i, "Yashi June 8 nü Kafanchan jila nung Rev. Gabriel Ukeh onok külemi sentong ka nung liasü, ajisüaka tia maka tanep (June 9) Muslim nunger auer telok kati pa puer ogo," ta metetdaksü.

"Honibarnü Kafanchan jila nung Rev. Gabriel leniba nung tanurtem sentong ka agia liasü aser Amongnü pa leniba nung

tekülem sentong ka aitsü liasü, ajisüaka Muslim nunger auer telok kati pa mejangjaba tesem kati puer ogo," ta paisa metetdaksü.

Kafanchan nung aliba Catholic Diocese nung vicar general, Rev. Emmanuel Kazah Faweh-i, "Pa tekeraba nung chioktsü atema sarasademjang ta onoki mepishir, iba denji külemi mapang shia tai maket Khristantem puer aoba ya onoki sashia aitsür," ta metetdaksü.

Rev. Faweh-isa sorkar dang June 15-19 anogotem nung Muslim nunger Eid al-Adha benjung amongtsü, anungji lendong mataloktsü atema security agüjang, ta akhangba den külemi Khristantem danga iba mpang nung kanga kümdanga alitsü tekümdangtsü metetdaksü.

WCC executive committee-i Ukraine nung rara anentsü akhanger

June 12, 2024: World Council of Churches (WCC) executive committee-i Ukraine nung rara anentsü aser Ukraine litsü atsüing agiba anener yimjung alitsü asoshi akhanger.

WCC-i sangdong ka ajanga, "Onoki Russia aser Ukraine sorkartem dang meimchir temedentem akhümtsübuttsü aser rara nung shilem agitsü memelungertem nem temeden agütsütsü akhanger," ta

metetdaksü.

"Nisung jenti asüba, samatsüba, süngdonglidong raksatsüba aser rara ajanga takoksa balala ngua onok aoksar aser jashir. Onoki civilian aser nüburtem kiojen kümzüksü aser Ukraine nunger litsü atsüing agiba anener yimjung alitsü akhanger," ta WCC-i metetdaksü.

WCC executive committee-isa ken o jembiba ajanga iba rara

anentsü asoshi WCC general secretary-i kanga meranga inyakba metetdaksüba den külemi WCC general secretary dang ecumenical fellowship nunga iba tebilemtsü atema jembitsü ayongzükang, ta mepishiogo.

June 6-11 anogotem nung in Bogotá, Colombia nung WCC executive committee senden amenba mapang nung Ukraine nung rara atema-a jembia liasü.

**AO OSHI ANGAZÜKDAK:
TANÜ ANGAZÜKTSÜBA OJANG**



Tir Yimyim

Sütep

- (v) Yanglutep (keep on constructing house)
- * Dimapur nung nisungtemi ki kanga süteper.

Sütet

- (v) tezü raksa (sprain, displacement of veins)
- * Ni ball asayadang tetsung tezü sütet.

OLONG PAITEP # 6816

1		2							3
4							5		
					6				
7			8						
9					10			11	12
13					14				
		15							

TIPIEN

- Mimong tekalen oset ayutsü yanglua ayuba - 7
- Tanü sür külen - 5
- Tanang masü - 4
- Bilemba atong - 6
- Tatsük-o-temokong na tsüngda - 6
- Shisadanger - 4
- Tanur aser tain tsüngda alirtem - 5
- Tejak temalen - 7

LANGTSÜNGLEN

- Nisung luja jembiba - 5
- Ao lima nung ayong ka- 5
- Renemer ao - 5
- Lenden masü - 5
- Tzürabur maliba tanur - 5
- O jembiba yim - 5
- Shidanga reprang - 5
- Komo adokba temaitsü- 5

OLONG PAITEP # 6815 TELANGZÜBA

TIPIEN:

- Tanga, 6. Wara, 7. Rajang,
- Anük, 10. Jenjang, 11. Alar,
- Ngashi, 15. Nala, 16. Mechi.

LANGTSÜNGLEN:

- Anga, 3. Yabang, 4. Tarok,
- Orak, 8. Ainer, 9. Anema,
- Jabili, 11. Among, 12. Miim,
- Anem.

NAI-A YA METETTER MA



Alima nung pharmacist tantsütilaji Kesa Hatamoto lir aser la ya arishi küm 101 lir. Kesa ya Tokyo, Japan nung alir aser lai küm 70 tashi pharmacist ka ama inyaka arur.

La tanur asüandangbo elementary school teacher inyaksü tejangraba liasü saka tebui mozü amshiba tsütsü azüngtsü ashiba ama lai medicine azüng aser iba sülen lab ka nung inyaka arur tesülen pharmacist ka ama inyaksü tenzük.

Karimganj nung Rs 66 crore alang Yaba süngjangtem apu



Guwahati, June 12, 2024

(Agencies): Bodbarnü Assam Police-i international market nung Rs 66 crore alang drugs puogo. Assam police Special Task Force (STF) den Karimganj police-i Lamajuar tesem nung mita aodang Bolero Camper gari ka apu.

Iba gari nung registration number plates maliasü aser gari

mita reprangdang Yaba süngjang lakh 2.20 bona aliba angu ta Assam Police Chief Public Relations Officer (CPRO) Pranabjyoti Goswami-i ashi.

Police-i gari nung mena alir nisung asem apu. Parnokji driver Khairul Hussain, Mamon Miya aser Nabir Hussain nung ta

jangjaogo aser parnok ajak

Tripura nung alir.

Iba mapa ya IGP STF Partha Sarthi Mahanta aser Karimganj Superintendent of Police Partha Pratin Das na lenisüba kübok inyak.

Yaba ya methamphetamine meyoktepa lir aser Thai oshi agi Yaba tetezü ya 'crazy medicine' lir. Iba ya Southeast aser East Asia nung yanglur.

Assam Police-i Manipur den arrtsülen patrol akangshir

Guwahati, June 12, 2024

(Agencies): Cachar nung Assam Police-i Assam-Manipur arrtsülen ayongkümlen patrol senzüba akangshiogo.

Jiribam nung tensa mejungi akümba ajanga nisung aika Assam nung arua jenoker ta osang angashiba sülen police-i mita aoer.

Tensa süngjema ayutsü aser

Manipur nungi arurtem jangjatsü atema ayongkümlen mita aoer.

Manipur kübok Jiribam district nung Meitei nung 200 tema pei yimtsüngtem toktsür relief camp ka nung jenoka lir ta Cachar Police-i ashi.

Telungpurtemi nisung ka tepsetba sülen tensa mejungi aküm. Pei talidak toktsür aoer teimbaka Jiribam jila nungi

kilometre 30 shi pilar yimtsüngtem nunga alirtem lir. Iba jagi security nisung aikati item yimtsüngtemi yokogo.

Jiri Sports Complex nung lapokba relief camp nung jenoka alirtem indang kiojen Lamtai Khunou, Dibong Khunou, Nunkhal aser Begra yimtsüngtem nung telungpurtemi rongdoktsüogo.

Sangtemla Ward nungi candidate tem... (Tapak 2 nungi...)



Tanabuba nung Congress candidate Wb. I.Temsü Jamir-I jembiba mapang pa Kohima aser Dimapur nung alitsü asoshi maongka tajung aiben dang aruogo saka Mokokchung meimba agi Mokokchung metoktsü dang lia arudagi ta ashi.

Temsü Jamir-i tebu asür Imtimeren, MLA asüba mapang nung 1977 küm Mokokchung-i tzü bener arutsü asoshi kanga dang meranga inyadngogo, saka mokoktet, Mokochung nung tangbo tzübo tua yur gari nungi tzü bener aruagi ajemer, saka nüburtemi zübazübaa dang bilemer, anungji Mokokchung nung tzü asoshi khuret kanga dang tulu lir ta pa kanga süoki yia ashi.

Mokokchung nung sanitation tsütsü khuret tulu lir, lenmang sentaktepa yanglutsü aser lanur anitetsü asoshi mapa aika dang lir, anungji pa ULB election nung adokra item ya nentaka inyaksü sentong lir ta lemsatsep.

Temsü Jamir-isa Mokokchung Town lenla ajak nung tangar menepa renloka aotsü asoshi teinyaksü aika dang lir, itemji inyaksü asoshi temulung kanga dang shia bilem Mokokchung nung joko küm 40 tema repranga aser shisadanga

aruba tem inyaksü mangdang yur ULB election nung noktaker ta lemsatsep.

Tasembuba nung Independent Canditate Sb. Alemtuba Imsong-i pa mapang agi dang pai mapang balala nung osang balala ajanga pa nükjidong lemsatapa aruba ajanga tanü iba sentong nung pa nükjidong aser tebilemba bo melemsatsep, saka pai adenshia aliba tsüraburtem aser külem lanurtem den tayongzükba olen ishika lemsatsep.

Canditate Sb. Alemtuba Imsong-i adenshia aliba tsüraburtem dang tanü putu nung alima lanurtem nungtaker, lanurtemi pei aliba lima yanglutsü mapangji tang lir, tanü nenok lanur putu nung nenok lanurtemi tongpo apua alima asoshi inyakang ta lanurtem ajungshiba ama lanurtemi temelenshi bener aruagi alima yanglushiner, anungji tsüraburtemi lanurtem meima pa yaridaktsüner ta tsüraburtem ayongzük.

Tsüraburtemi lanurtem tajung kümdaktsütsü asoshi rongsen jenti intoka züngdaktsür ibaji amajok mekümdaktsü lanurtem nem iba ULB election nung yaria adokdaktsür kelen ner chirnurtemia lima asoshi inyakba

temoatsü agidaktsüner ta maneni tsüraburtem ayongzükba shisem.

Alemtuba Imsong-i adenshia aliba lanurtem dang tsürabur mapang jokola süiogo tanü lanur putu nung lanurtemi alima ainba den tsüngkang medema asen lima renlokaktsütsü aser asen nübör tejaklen anitsü asoshi lanurtem saksalema alitsü kanga dang nungtaker, anungji lanurtem ajak aka-asoa teindang shisatsü agi Tsüngrem dang shisatsü meshia iba ULB election nung kanga shisakaa shilem agidi ta lanurtem ayongzükba liasü.

Kasa sentong nung Sangtemla Ward Chairman Wb. Imliyanger Jamir ajanga tepela o jembiba den candidate asemprongla nem Sangtemla Ward tenzüksü mulungtetba asoshi Yimden tenüng nung pelaba lemsatpeba den iba ULB election tesüngiem nung agitetsüsa inyaksü asoshi tekümdangtsü tem metetdaksü, Rev. Luin Jamir ajanga Canditate asemprong asoshi temoatsü meshija alakteta sarasademtsü aser iba den MTBA Deacon Wb. Limasashi ajanga sentong nungTsüngrem lenisüba jazüka sarasademba den Wb. Watitoshi ketdangtsüba nung iba sentong agia liasü.

Kuwait kitsük kirong lendong nung 41 asü



Ambassador Adarsh Swaika -i Mubarak Al-Kabeer Hospital nung yirur alirtem semdangba mapang nung tangnokba noksa nung angur.

Kuwait, Aami/June 12 (Agencies): Kuwait nung mapa inyakertem aliba ki ka nung Bodhbarnü kitsük kirong lendong ataloka nisung 41 asüba nungi India nung 40 lir. Iba ki ya Kuwait south tsütsü Ahmadi Governorate kübok Mangaf tesem nung lir, kong mapa inyaker nisung 160 dak tema liasü.

Mi ya story trok aliba ki nung sorochiokba tesem ka nungi tenzük. Iba lendong atalokba sülen Kuwait indang deputy prime minister Sheikh Fahad Yusuf Saud Al-Sabah-i iba tesem semdang aser mapa inyaker nisung 41 süogo ta ashi.

India indang External Affairs Minister S Jaishankar-i iba lendong ajurua aliba kinungertem den asükhu lemsatep aser iba kitsük kirong lendong ajurua alirtem nem embassy ajanga nungdakba

teyari agütsütsü ta ashi. Indian envoy to Kuwait Adarsh Swaika-ia Al-Adan mozüki nung India nung yirur alirtem semdangba teyari agütsütsü ashi.

Bodhbarnü S Jaishankar-i Kuwait south tsütsü Mangaf yimti nung kisür aliba ki ka nung mi adoka nisung 41 asüba osang angashia aoksar ta ashi. Iba lendong ajurua alirtem yaritsü atema Kuwait nung aliba Indian embassy ajanga helpline number ka sayaogo ta pai ashi.

Kuwait nung aliba Indian Embassy-ia helpline number ka lemsatep aser iba kitsük kirong lendong ajurua alirtemi teyari atema parnok den jembitsü ashi. Kuwait nung Indian envoy Adarsh Swaika-ia iba tesem ya semdangba liasü.

"Tanü India nung mapa inyaker alidak kitsük kirong lendong ajuruba dak sendakba

nung Embassy ajanga emergency helpline number +965-65505246 amenokogo. Anungji osangtsüsang agitsü atema iba number nung jembitsü ajungshir. Embassy ajanga akokba lenmang nung yaritepsü renema lir," ta Kuwait nung aliba Indian Embassy ajanga ashi.

Kuwait indang deputy prime minister Sheikh Fahad Yusuf Saud Al-Sabah-i iba lendong atalokba atema real estate kibur tenung asen aser parnoki aibelenba aser pei agitsü dang bilema rongsen tali arishiba ajanga lir ta ashi.

"Tia maka real estate kiburtemi pei agitsü dang bilema rongsen tali arishiba nungi iba timtem ya ajuru," ta Sheikh Fahad-i ashi.

Iba ki nung mi adokba osang ya ketdangsurtem anepdang 6:00 ako meta metetdaksü, ta Major General Eid Rashed Hamad-i ashi.

"Mi adokba ki nungya mapa inyakertem lia liasü aser yangji mapa inyaker jenti liasü. Nisung aika kumzük, saka tia maka mi nungi mokozü adokba saoka asir aika liasü. Mapa inyaker lidaktsüba ki nung nisung tali lidaktsüba atema onoki teti tekumdangtsü shia arur," ta police tanishir kati ashi.

Kuwait nung nütsüng yongsük shilem 21 (million 1) India nung lir aser parnokji mapa inyaker shilem 30 (lakh 9) shi lir ta osang ajanga ashir.

MOLUNGNEN O

Ano ashitsü aika lir, ano otsü matem, ano küm aika alitsü imla, anojungi nai toktsü. Tasübai na anir oadok, onoki kecha meinyaktet. Na tatem makaba lima nung alitsü asoshi aor.

Tanü küm ka jungogo. Nü ochi temeim mapa tajung, onoki kodanga mamatsü. Onok den na ali ama menungra kinüngertem ajaki sarasadema amonger.

- Temeim kinüngertem



Late. T. Watimenla Jamir (Chuchuyimpang) 16.03.1962 – 13.06.2023

ALI TAYOKTSÜ LIR

Four Lane Highway Near Morung Christian Academy, Dry Land. Any size of plot available. Rs. 250 per sq.ft (Negotiable) Contact no: 8798119488 / 8974671416

GOVERNMENT OF NAGALAND DRUGS CONTROL ADMINISTRATION DIRECTORATE OF HEALTH & FAMILY WELFARE NAGALAND : KOHIMA

DHFW-13/DCA (E)/DMR/2023-24/263 /Dated Kohima the 6th June 2024

ORDER

Whereas, Section- 7 of the Drugs & Magic Remedies (Objectionable Advertisement) Act, 1954 prohibits any person from taking any part in the publication of any advertisement referring to any drug in terms which suggest or are calculated to lead to the use of that drug for,---

- a) the procurement of miscarriage in women or prevention of conception in women; or
- b) the maintenance or improvement of the capacity of human beings for sexual pleasure; or
- c) the correction of menstrual disorder in women; or
- d) the diagnosis, cure, mitigation treatment or prevention of any disease, disorder or condition specified as given in the Schedule below:-

Name of disease, disorder or condition			
1	Appendicitis	28	Hydrocele
2	Arteriosclerosis	29	Hysteria
3	Blindness	30	Infantile paralysis
4	Blood poisoning	31	Insanity
5	Bright's disease	32	Leprosy
6	Cancer	33	Leucoderma
7	Cataract	34	Lockjaw
8	Deafness	35	Locomotor ataxia
9	Diabetes	36	Lupus
10	Disease and disorder of brain	37	Nervous debility
11	Diseases and disorder of optical system	38	Obesity
12	Diseases and disorders of uterus	39	Paralysis
13	Disorders of menstrual flow	40	Plague
14	Disorders of the nervous system	41	Pleurisy
15	Disorders of the prostatic gland	42	Pneumonia
16	Dropsy	43	Rheumatism
17	Epilepsy	44	Ruptures
18	Female diseases (in general)	45	Sexual impotence
19	Fever (in general)	46	Small pox
20	Fits	47	Stature of persons
21	Form and structure of the female bust	48	Sterility in women
22	Gall stones, kidney stones and bladder stones	49	Trachoma
23	Gangrene	50	Tuberculosis
24	Glaucoma	51	Tumours
25	Goiter	52	Typhoid fever
26	Heart diseases	53	Ulcers of the gastro-intestinal tract
27	High or low blood pressure	54	Venereal diseases, including syphilis, Gonorrhoea, soft chancre, venereal, granuloma and lympho granuloma.

Whereas, Section -7 provides a penal provision, wherein on conviction, with imprisonment which may extend to 6 (six) months, or with fine, or with both but on subsequent conviction, with imprisonment which may extend to 1 (one) year, or with fine, or with both.

Now therefore, in the light of the above legal provision, it is hereby informed to all Print Medias, Publishers, Advertisement Agencies, Social Media users to desist from such publication and promotion or telecast of Drug/Medicine products in contravention to the provisions of the law as provided under Drugs & Magic Remedies (Objectionable Advertisement) Act, and Rules made thereunder.

Strict Legal action shall be initiated against such defaulters.

(C. Thungchanbeni Lotha) State Controlling & Licensing Authority Nagaland : Kohima.

US-i tenokdangba agütsür aliba agientsüogo

Washington, Aami/June 12 (Agencies): United States-i, Ukraine indang military unit Azov brigade nem prangbong injang aser hadir balala aser training magütsütsü asoshi tenokdangba agütsür aliba agientsüogo.

Iba unit yagi 2022 küm linük southeast nung Mariupol yimti kümzüka ayuba nung tongtibang shilem agia liasü.

US State Department-i Mongolbarnü sangdong ka ajanga ashiba agi, tang inyaksangshia aliba Azov brigade kanga junga asadangogo aser parnoki meimchir temeden anema inyaksangshiba kecha mongutet.

Washington-i ashiba agi, tang inyaksangshia aliba unit ya 2014 küm amenokba volunteer militia tem dang nungi balaka lir. 2014 küm iba unit tentetba mapang far-right circles nungi nüburtem

anidenba aser parnok inyakym kar atema kanga mejungi aija liasü.

US-i iba regiment nem parnok indang prangbong injang aser hadir balala amshitsü asoshi temelaba magütsü. Iba telok tenteter rongnung kar tebilemba neo-Nazi lir ta shia iba tenokdangba agütsü liasü.

"Onok indang brigade puti otsü nung iba ya tapak tasen ka lapokba asütsü," ta US-i iba telemtetba agiba sülen Azov-i social media ajanga metetdaksü. "Anüolen aliba linüktem indang prangbong hadir aser United States-i training agütsüba ajanga, Azov raratsü atema tashitaitba aser tetemsüba akümtsü, saka ajak dak alia iba ajanga nisung taküm aser sepaitem health

wazüka ayutsü."

Azov brigade, koba Ukraine indang National Guard nung Special Forces Brigade 12buba ama zügoksema liasü, iba brigade ya linük nung raraba unit tem rongnung kanga dang mapa jeta inyakba aser ajak dang nungtugutiba lir, aser tang iba unit nungi züngsemtemi, extremism aser far-right movement den parnok tesendaktep aliba atema aitsüba magizüki arudar.

Washington-i ashiba agi, iba unit tenzükertem 2015 küm lokaogo aser State Department otongdar katia, 2022 küm Mariupol yimti nung raraba mapang Azov brigade-i tongtibang shilem agiba indang jembia liasü.

SANGDONGER

Mrs. Temsujungla Jamir, Asangma Village, Mr. Bendangnükshi, Molungkimong Village. Tena nem shiri sen aputsüdir, iba khuretji kinünger aser adianutemi mabentsü aser memenoktsü.

Sd/- (MARSHIBA) Kinünger, Adianu aser Anükapang

LAND FOR SALE

1. COMMERCIAL SITE NUILAND -Highway Touched (a) 12 pura (Dry Land) - Rs. 280 per Sqft. (b) 3 pura - Rs. 135 per Sqft. 2. 10 Bighas (1 Fishery Pond) Near Kuhuboto Town - Rs. 30 Per Sqft. (Slightly Negotiable) CONTACT NO: 9863826159

LOST NOTICE

I, Laoba A Konyak am applying for a duplicate copy of Class VIII Pass Certificate as I have lost it.

Name: **Mr. Laoba A Konyak** F/Name : **Ale Konyak** Date of birth: **19/7/2007** Roll No. **06** Regd No. **2280802262** Contact : **8761858675**

India nung Hockey Men's Junior World Cup asayatsü

Aami/June 12, 2024 (Agencies): International Hockey Federation (FIH) Executive Board-i, taruba FIH Hockey Men's Junior World Cup India nung ayongzüka asayatsü atema temelaba agütsüogo.

Iba asayamung ya 2025 küm December ita asayatsü. Iba asayamung nung mezüngbuba FIH Hockey Junior World Cup ka nung team 24-i asayaba angüsü.

FIH tir Tayyab Ikram-i ashiba agi, "National Associations timba nem asayatsü atema maongka agütsütsüji onok indang Empowerment & Engagement strategy nung tongtumbang tongshi rongnung ka lir. Onoki

taküm Oman nung the FIH Hockey5s World Cup asayaba nguogo aser team timba asayadaksüba ajanga asayamung jenjang tajungba kümdaksüba nguogo. Anungji onoki FIH Hockey Junior World Cups atema team timba kümtsüogo aser team 24 asayaba repringtsü yongya atar. Ano asayamung tajung ka ayongzüka asayatsü atema Hockey India-i nangzükba atema kanga pelaba lemsateper."

Kasa mapang nung Hockey India tir Dr. Dilip Tirkey-i, "FIH Hockey Men's Junior World Cup 2025 ayongzüka asayatsü atema International Hockey Federation (FIH)-i India shimba atema onok kanga

pelar. Iba asayamung ayongzüka asayatsü atema onok nem nongloksüba atema onoki FIH aser FIH tir Dato Tayyab Ikram dang kanga pelaba lemsateper. Iba asayamung ajanga international hockey nung India kanga tongtumbang akümba aser taruba putu atema iba asaya ajungkettsü asoshi onok bendanga agütsür aliba sayur. India nung hockey asaya puti otsü lemsateptsü aser lanur asayartem nem parnok sempet sayutsü atema sabang ka agütsütsü asoshi onok yongya atar," ta ashi.

FIH Hockey Men's Junior World Cup tesüsabuba ya 2023 küm Malaysianung ayongzüka asayaogo, koba Germany-i koka liasü.

Jose Francisco Mohun Bagan Super Giant Coach kümogo

Aami/June 12, 2024 (Agencies): Mohun Bagan Super Giant-i, taruba season atema head coach mapa inyaksü asoshi Antonio Lopez Habas melena Jose Francisco Molina shimogo.

Habas lenisüba nung Mohun Bagan puri taoba season Indian Super League (ISL) shield mezüngbuba kokogo aser championship final tonga asaya liasü, kong parnok Mumbai City-i goal 3-1 agi koka liasü.

"Taoba Spain Football Federation Technical Director Jose Molina taruba season atema onok indang coach asütsü shimba osang pelashishia sangdonger," ta Mohun Bagan Super Giant-i X ajanga metetdaksü.

Juan Ferrando-i club toktsüba sülen Habas season tom nung club nung dena liasü.

Molina, taoba mapang Atletico de Kolkata coach liasü aser pa lenisüba nung parnoki ISL tasembuba kokogo. Iba club ya tangbo Mohun Bagan den longjemogo. Taoba mapang Spain nung international asayar ya tatemsa 2017-18 season nung Mexico club



Atletico San Luis coach mapa inyaka liasü.

"Ni Mohun Bagan Super Giant nung densemba atema kanga pelar. Club aser fan tem nem takok timba bener arutsütsü imlar atar," ta Molina-i ashiba club sangdong ka ajanga metetdaksü.

Arishi küm 53 tain Molina-i taoba mapang Spain nung club aika nung coach mapa inyakogo, kong La Liga nung Villarreal coach mapa inyakba densema lir. Pa Getafe B, Villarreal B aser C aser San Luis Club nung coach mapa inyaka liasü.

Taoba season ISL Shield akokba sülen Mohun Bagan pur AFC Champions League 2 atema qualify süogo.

Sesko-i Leipzig den tenangzüktepba yanglushiogo

Aami/June 12, 2024 (Agencies): Slovenia nung striker Benjamin Sesko, shiba Premier League club tem aikati alizüksü atema tejangraba sayua liasü, pai Bundesliga club RB Leipzig den tenangzüktepba yanglushiogo.

Arishi küm 21 tain asayar ya summer nung Arsenal-i aotsü atema jembishinüa aruogo, ajisüaka pai Leipzig metoktsütsü telemetba agiogo. Pa alitsü atema Chelsea aser Manchester United nata tejangraba liasü ta angateter.

Slovenia nung asaya ya 2023 küm RB Salzburg nung RB Leipzig nung oa aden aser küm

pongu atema tenangzüktepba yanglua liasü, kong release clause £55m densema liasü.

Pa Germany nung mezüngbuba asayaba küm pai asaya 31 nung goal 14 idaktsüogo aser pa iba club nungi 2029 küm tashi asayatsü atema bendanga agütsüshio.

"RB Leipzig nung mezüngbuba küm kanga junga asayaogo aser ni idaki aruba atema pelar," ta pai ashi.

"Team, club, yimti, fan ajak kü atema jangrademtsüka lir. Anungji tenangzüktepba atsilangshiba ya jenjang tapet ka agiba ama bilemer," ta Sesko-i ashi.

Kuwait nung ki arongba...

(Tapak 3 nungi...)

Osang angazükba agi, Kuwait nung nütsting shilem 21 bo India nungertem lir.

India External Affairs Minister, S Jaishankar-i, iba lendong nung India nung 40 shi asü aser nisung 50 dak atema yirua hospital nung mongdar, ta metetdaksü.

Jaishankar-i, "Kuwait yimti nung mi lendong atalokba osang angashia aoksar. Nisung 40 shi asü aser 50 dak atema hospital nung mongdar. Asen Ambassador camp tonga ogo. Onoki osang tejangja atadar," ta metetdaksü.

Paisa, "Iba lendong nung asür kibongtem den mangyim jashi lemsateper. Yirua alirtem tekeraba nung aneptsü sarasademtsür. Asen Embassy-i akokba tashi yariteptsü," ta metetdaksü.

Kuwait Interior Minister, Sheikh Fahad Al-Yousuf Al-Sabah-i police dang Mangaf building kibur tekeraba nung puang ta tuyuogo, ta osang angazükba.

18buba Lok Sabha senden... (Tapak 3 nungi...)

India nung Union Budget atonga tenetben tashi benokba mezüngbuba Finance Minister ji Nirmala Sitharaman akümtsü. Pai tamalen Finance Minister Morarji Desai ajangtetsü, kechiyong Desai-i Union Budget trokben benoka liasü.

Rijiju-i X ajanga, "18buba Lok Sabha senden mezüngbuba 24/6/24 anogo nungi 3/7/24 anogo tashi amentsü. Iba mapang nung züngsem

tasenpur tenangzükba agitsü, Speaker election agitsü, Tiri jembitsü aser o lemteptsü," ta metetdaksü.

Paisa, Rajya Sabha 264buba Session June 27 nü tenzüktsü aser July 3 nü tembangtsü. June 27 nü Tiri onük jembiba sülen Ato kilonser Narendra Modi-i Parliament nung council of ministers metetpelatsütsü, ta paisa metetdaksü.



Naga Students Union Dehradun Futsal Tournament 2024 final asayaba sülen Champion End of Era aser Runners Up Manipur FC na tangokba noksa nung angur.

AIFF-i FIFA nem tashishiba ka agütsü

Aami/June 12, 2024 (Agencies): Mongolbarnü India aser Qatar na asayaba mapang minute 73buba nung Qatar-i ball out-i tuguba ka meyiba bener aiter goal idaktsüba agidaktsüba sülen mepetmesü adoka liasü.

Iba goal midaktsü tsüingda India goal 1-0 agi tejakdang liasü. Qatar nung asayar Abdullah Alahrak-i metsüba free-kick ka Yousef Ayem-i tongtoktsütsü merang saka India captain aser goalkeeper Gurpreet Singh Sandhu-i nokdanga liasü, saka pa ali nung dang aliba mapang ball ya out-i tugu ama angu.

Sandhu-i repringa lia Hashmi Hussein-i ball ya ground telungi bener ait aser Aymen-i goal idakja liasü. Ball out-i tuguatok aser Sandhu-i tatemsa kongshi asünung corner kick agütsütsü asü, ajisüaka referee-i Qatar nem goal agüja liasü. Iba sülen India nung asayartem iba anema nokdak saka goal tagi aküm.

Iba sülen Qatar-i asaya ya goal 2-1 agi koka India team qualifiers nungi tsukatok. Iba tatalokba sülen AIFF tir Kalyan Chaubey-i kanga mepelaba lemsatepogo aser federation-i,

iba tatalokba bushisüngdangtsü atema FIFA aser AFC (Asian Football Confederation) naprongla dangi shiti züluogo, ta ashi.

"Takok aser tamakokji asaya yimya dang lir aser onoki aji agizüktetsü angazükogo. Ajisüaka yasüng India nem agütsüba goal ana rongnung ka tashishitsü keta lir. Inyakyim nung aibelenba ajanga India team FIFA World Cup qualifiers round 3 nung masayatetsüsa akümba indang FIFA Head of Qualifiers, AFC head of referees, AFC head of competitions, aser match commissioner dangi shiti züluogo," ta Chaubey-i ashi,

"Onoki ken o dak sendaka aliba ketdangsurtem dang bushisüngdangtsü ayongzüker. Onoki iba aibelen atema temenok agütsütsü asoshi lenmang kar bushitsü mepeshir aser onoki FIFA aser AFC-i jenjang tapet agitsü ta tamang akar," ta paisa shisem.

Temzüng özüng kübok ball ka goal line mesüra touchline adena ali nung mesüra anung nung ajunga tuguatokra aji out agütsür.

India coach Igor Stimac-ia, iba goal ajanga team nükdijong raksattsüogo, ta ashi,

BILEMDANGANG

"Na mezüngshiba lokti nungi atsünginang."